

Հավելված 1
Արդարադատության ակադեմիայի
կառավարման խորհրդի 2017 թվականի
սեպտեմբերի 29-ի թիվ ԿԽ-005/17/2 որոշման

ՈՒՍՈՒՑՄԱՆ ԾՐԱԳԻՐ

ԴԱՏԱՎՈՐՆԵՐԻ ԵՎ ԱՐԴԱՐԱԴԱՏՈՒԹՅԱՆ ԱԿԱԴԵՄԻԱՅՈՒՄ
ՈՒՍՈՒՄՆԱՌՈՒԹՅՈՒՆՆ ԱՎԱՐՏԱԾ ՈՒ ԴԱՏԱՎՈՐՆԵՐԻ
ԹԵԿՆԱԾՈՒԹՅՈՒՆՆԵՐԻ ՑՈՒՑԱԿՈՒՄ ԸՆԴԳՐԿՎԱԾ
ԱՆՁԱՆՑ ՏԱՐԵԿԱՆ ՎԵՐԱՊԱՏՐԱՍՏՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ուսուցման ծրագիրը (այսուհետ՝ Ծրագիր) ներառում է դատավորների և Արդարադատության ակադեմիայում ուսումնառությունն ավարտած ու դատավորների թեկնածությունների ցուցակում ընդգրկված անձանց (այսուհետ՝ Ունկնդիրներ) 2018թ. վերապատրաստման կրթական չափորոշիչները, ուսուցման ձևը, ուսումնառության ժամաքանակը և ժամկետները, ինչպես նաև դասավանդվող առարկայական կուրսերի համառոտ նկարագիրը:

2. Ծրագիրը մշակվել է Արդարադատության ակադեմիայի (այսուհետ՝ Ակադեմիա) կողմից «Արդարադատության ակադեմիայի մասին» ՀՀ օրենքի (այսուհետ՝ Օրենք) 19-րդ հոդվածի դրույթների հիման վրա:

3. Ծրագրի նպատակն է ապահովել Ունկնդիրների մասնագիտական գիտելիքների և հմտությունների շարունակական զարգացումն ու կատարելագործումը՝ հետևյալ հիմնական ոլորտներում.

ա) Ընդհանուր և հարակից մասնագիտական ոլորտ: Վերապատրաստման գործընթացը վերաբերում է իրավական ակտերի մեկնաբանման տեխնիկային, դատավորի մասնագիտական էթիկային, կոռուպցիայի դեմ պայքարին, ՄԻԵԴ նախադեպային իրավունքի արդի հիմնահարցերին, ՀՀ սահմանադրական իրավունքի գիտության և սահմանադրական արդարադատության արդի միտումներին, ինչպես նաև փաստարկման և հռետորաբանության ոլորտում Ունկնդիրների գիտելիքների շարունակական զարգացմանն ու կատարելագործմանը:

բ) Հատուկ մասնագիտական ոլորտ.

➤ **Քաղաքացիական իրավունք և դատավարություն:** Քաղաքացիական իրավունքի և դատավարության շրջանակներում իրականացվող վերապատրաստումը նպատակ է հետապնդում կատարելագործել և զարգացնել Ունկնդիրների հմտությունները և կարողությունները քաղաքացիական դատավարության, հատուկ վարույթի գործերի քննության առանձնահատկությունների, ՄԻԵԴ և ՀՀ վճռաբեկ դատարանի իրավական դիրքորոշումների, ոչ նյութական վնասի հատուցման, հաշտարարության ինստիտուտի հիմնահարցերի, պարտավորական իրավահարաբերությունների, աշխատանքային իրավունքի, սնանկության վարույթի, իրավական օգնության և առևտրային արբիտրաժների ակտերի ճանաչման ու կատարման վերաբերյալ միջազգային համաձայնագրերի կիրառման և արդի այլ հարցերի առանցքային հիմնախնդիրների շուրջ:

➤ **Վարչական իրավունք և դատավարություն:** Վարչական իրավունքի և դատավարության շրջանակներում իրականացվող վերապատրաստումը նպատակ է հետապնդում իրականացնել Ունկնդիրների հմտությունների և կարողությունների զարգացումն ու ՀՀ վարչական իրավունքի և դատավարության, հատուկ վարույթի գործերի, այդ թվում՝ ընտրական վեճերի քննության առանձնահատկությունների, ՀՀ վճռաբեկ դատարանի իրավական դիրքորոշումների, ՀՀ ԱՆ ԴԱՀԿ որոշումների և գործողությունների վիճարկման, կատարողական վարույթի դիմումների քննարկման հիմնախնդիրների, վարչական իրավախախտումների մասին օրենսդրության, էկոլոգիական իրավունքի արդի հարցերի և առանցքային նշանակություն ունեցող այլ հարցերի շուրջ:

➤ **Քրեական իրավունք և դատավարություն:** Վերապատրաստման գործընթացը վերաբերում է քրեական իրավունքում և դատավարությունում առկա խնդիրներին: Մասնավորապես, վերապատրաստման արդյունքում կատարելագործվում են Ունկնդիրների գիտելիքները և հմտությունները ՀՀ քրեական իրավունքի և դատավարության, պատժի նշանակման կանոնների, խոցելի անձանց մասնակցությամբ վարույթի առանձնահատկությունների, ՄԻԵԴ և ՀՀ վճռաբեկ դատարանի իրավական դիրքորոշումների, մինչդեռ վարույթի, պատժի կատարման փուլի նկատմամբ դատական վերահսկողության, իրավական օգնության վերաբերյալ միջազգային համաձայնագրերի կիրառման հիմնախնդիրների և արդի այլ հարցերի ոլորտներում:

գ) Հեռավար ուսուցման ձևով դասավանդվող դասընթացներ: Վերապատրաստման գործընթացը վերաբերում է հասարակագիտական ուղղվածության գիտելիքների և հմտությունների ձևավորմանն ու կատարելագործմանը: Մասնավորապես, վերապատրաստման արդյունքում Ունկնդիրները կընդլայնեն իրենց գիտելիքները և հմտությունները կառավարման հմտությունների և ներազդման հոգեբանության, փաստարկման և հռետորաբանության, ինչպես նաև *փախստականների իրավունքների (նախատեսված է միայն վարչաիրավական և քրեաիրավական մասնագիտացմամբ դատավորների համար)*, քրեական վարույթի ընթացքում *անչափահասների իրավունքների պաշտպանության (նախատեսված է միայն քրեաիրավական մասնագիտացմամբ դատավորների համար)* ոլորտներում:

4. Ուսումնառության ժամաքանակը յուրաքանչյուր դատավորի համար սահմանվում է 80 ակադեմիական ժամ: Ուսումնառությունն իրականացվում է երկու փուլով, յուրաքանչյուրը՝ 40 ակադեմիական ժամ:

5. Դատավորների վերապատրաստումն իրականացվում է ընդհանուր և հարակից, հատուկ մասնագիտական ու հեռավար ուսուցման ձևով դասավանդվող դասընթացների մոդուլների հիման վրա: Յուրաքանչյուր դատավոր, իր մասնագիտացմանը (քաղաքացիաիրավական, քրեաիրավական, վարչաիրավական) համապատասխան, վերապատրաստվում է 40 ակադեմիական ժամ՝ հատուկ մասնագիտական դասընթացների շրջանակներում, և 40 ակադեմիական ժամ՝ ընդհանուր և հարակից մասնագիտական կամ հեռավար ուսուցման ձևով դասավանդվող դասընթացների շրջանակներում:

6. Ծրագիրն իրականացվում է առկա և հեռավար ուսուցման ձևով:

7. Դատավորը չի կարող ընտրել իր մասնագիտացումից տարբերվող հատուկ մասնագիտական դասընթացների որևէ այլ մոդուլում ընդգրկված դասընթաց:

8. Ուսումնառությունը սկսվում է դատավորների կողմից ընտրված առարկայական կուրսերի ցուցակն Ակադեմիա ներկայացնելուց հետո:

9. Առկա ուսուցման ձևով վերապատրաստման ժամանակացույց է սահմանվում 2018 թվականի ապրիլ-մայիս ամիսները՝ ընդհանուր մասնագիտական, և սեպտեմբեր-դեկտեմբեր

ամիսները՝ հատուկ մասնագիտական առարկաներով, իսկ հեռավար ուսուցման ձևով՝ 2018 թվականի սեպտեմբեր-դեկտեմբեր ամիսները:

II. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ) ՑԱՆԿ

1. Ընդհանուր և հարակից մասնագիտական դասընթացների մոդուլ

N	Դասիչ	Անվանում	Ժ/ք
1.	J-J-003-18	ՄԻԵԴ նախադեպային իրավունքի արդի հիմնահարցեր	10
2.	J-J-005-18	Դատավորի մասնագիտական էթիկա և գործունեության գնահատում	10
3.	J-J-014-18	Հանրային ծառայության ոլորտում կոռուպցիայի դեմ պայքարի արդի հարցեր	10
4.	J-J-020-18	ՀՀ սահմանադրական իրավունքի գիտության և սահմանադրական արդարադատության արդի միտումները	10
5.	J-J-021-18	Իրավաբանական գիր և մեկնաբանում	10
6.	J-J-029-18	Փաստարկում և հռետորաբանություն ¹	10

2. Քաղաքացիաիրավական մասնագիտացմամբ հատուկ մասնագիտական դասընթացների մոդուլ

N	Դասիչ	Անվանում	Ժ/ք
7.	J-C-001-18	Պարտավորական հարաբերությունների արդի հիմնահարցեր	10
8.	J-C-003-18	Կորպորատիվ իրավունքի արդի հարցեր	10
9.	J-C-008-18	Աշխատանքային իրավունքի արդի հարցեր	10
10.	J-C-015-18	Քաղաքացիական գործերով ՄԻԵԴ իրավական դիրքորոշումների կիրառման արդի հարցեր	10
11.	J-C-022-18	ՀՀ քաղաքացիական դատավարության արդի հիմնահարցեր	10
12.	J-C-023-18	Ոչ նյութական վնասի հատուցման հիմնախնդիրներ	10
13.	J-C-025-18	Սնանկության վարույթի արդի հարցեր	10
14.	J-C-028-18	ՀՀ վճարելի դատարանի իրավական դիրքորոշումները քաղաքացիական գործերով	10
15.	J-C-029-18	ՀՀ քաղաքացիական իրավունքի արդի հիմնահարցեր	10
16.	J-C-031-18	Իրավական օգնության և առևտրային արբիտրաժների ակտերի ճանաչման ու կատարման վերաբերյալ միջազգային համաձայնագրերի կիրառման հիմնախնդիրներ	10
17.	J-C-032-18	Հատուկ վարույթի գործերով քննության առանձնահատկությունները	10
18.	J-C-033-18	Հաշտարարության ինստիտուտի հիմնախնդիրներ	10

Ծանոթություն.

¹ <<Փաստարկում և հռետորաբանություն>> դասընթացն իրականացվում է ինչպես առկա ուսուցման ձևով՝ 10 ակադեմիական ժամ, այնպես էլ հեռավար՝ 40 ակադեմիական ժամ:

3. Վարչաիրավական մասնագիտացմամբ հատուկ մասնագիտական դասընթացների մոդուլ

N	Դասիչ	Անվանում	Ժ/ք
19.	J-A-001-18	Վարչական գործերով ՄԻԵԴ իրավական դիրքորոշումների կիրառման արդի հարցեր	10
20.	J-A-003-18	ՀՀ վարչական վարույթի արդի հարցեր	10
21.	J-A-006-18	ՀՀ ԱՆ ԴԱՀԿ ծառայության որոշումների և գործողությունների վիճարկումը, կատարողական վարույթի առանձնահատկությունները	10
22.	J-A-008-18	ՀՀ վարչական դատավարության արդի հարցեր	10
23.	J-A-010-18	ՀՀ էկոլոգիական իրավունքի արդի հարցեր	10
24.	J-A-013-18	ՀՀ վճռաբեկ դատարանի իրավական դիրքորոշումները վարչական գործերով	10
25.	J-A-014-18	Վարչական իրավախախտումների վերաբերյալ օրենսդրության հիմնահարցեր	10
26.	J-A-015-18	Ընտրական վեճերի արդի հարցեր	10
27.	J-A-016-18	Հատուկ վարույթի գործերով քննության առանձնահատկությունները	10

4. Քրեաիրավական մասնագիտացմամբ հատուկ մասնագիտական դասընթացների մոդուլ

N	Դասիչ	Անվանում	Ժ/ք
28.	J-Q-001-18	Քրեական գործերով ՄԻԵԴ իրավական դիրքորոշումների կիրառման արդի հարցեր	10
29.	J-Q-022-18	ՀՀ քրեական դատավարության արդի հարցեր	10
30.	J-Q-024-18	Պատժի նշանակման կանոնների քրեաիրավական և քրեադատավարական խնդիրներ	10
31.	J-Q-032-18	Մինչդատական վարույթի նկատմամբ դատական վերահսկողության արդի հարցեր	10
32.	J-Q-035-18	ՀՀ քրեական իրավունքի արդի հարցեր	10
33.	J-Q-044-18	ՀՀ վճռաբեկ դատարանի իրավական դիրքորոշումները քրեական գործերով	10
34.	J-Q-045-18	Խոցելի անձանց մասնակցությամբ վարույթի առանձնահատկությունները	10
35.	J-Q-053-18	Պատժի կատարման փուլի նկատմամբ դատական վերահսկողության առանձնահատկությունները	10
36.	J-Q-054-18	Իրավական օգնության վերաբերյալ միջազգային համաձայնագրերի կիրառման հիմնախնդիրները քրեական գործերով	10

5. Հեռավար ուսուցման ձևով դասավանդվող դասընթացների մոդուլ

N	Դասիչ	Անվանում	Ժ/ք
37.	J-G-017-18	Փաստարկում և հռետորաբանություն	40
38.	J-G-021-18	Կառավարման հմտություններ և ներազդման հոգեբանություն	40
39.	J-J-027-18	Փախստականների իրավունքների պաշտպանության արդի հարցեր ²	40
40.	J-J-028-18	Անչափահասների իրավունքների պաշտպանությունը քրեական վարույթի ընթացքում ³	40

III. ԴԱՍԱՎԱՆԴՎՈՂ ԱՌԱՐԿԱՅԱԿԱՆ ԿՈՒՐՍԵՐԻ (ԴԱՍԸՆԹԱՑՆԵՐԻ) ՀԱՄԱՌՈՏ ՆԿԱՐԱԳԻՐԸ

1. J-J-003-18. ՄԻԵԴ նախադեպային իրավունքի արդի հիմնահարցեր

Դասընթացը պայմանավորված է ՄԻԵԴ իրավական նոր դիրքորոշումների վերաբերյալ Ունկնդիրների գիտելիքների ծավալի ընդլայնման անհրաժեշտությամբ:

Դասընթացը ներառում է՝

- ՄԻԵԴ կողմից մշակված իրավական հայեցակարգերի բովանդակությունը, դրանց իրավակիրառ արժեքները և զարգացման միտումները,
- ՄԻԵԴ հիմնական նպատակները,
- իրավազորության շրջանակը,
- գանգատների ընդունելիության պայմանները,
- գործերի քննության կարգը,
- ՄԻԵԴ-ի վճիռների կատարման հետ կապված հարցերը և ընթացակարգը, ՄԻԵԴ-ի կողմից ապացույցների ձեռքբերումը և գնահատումը,
- ՄԻԵԴ-ի և ազգային դատարանների միջև երկխոսությունը:

Դասընթացը նախատեսված է բոլոր դատավորների համար:

2. J-J-005-18. Դատավորի մասնագիտական էթիկա և գործունեության գնահատում

Դասընթացը պայմանավորված է դատավորի մասնագիտական էթիկայի կանոնների հետ կապված գիտելիքներ հաղորդելու և դրանք կենսագործելու, կարողություններ ձևավորելու, դատավորների գործունեության գնահատման և առաջխաղացման՝ նոր օրենսդրությամբ սահմանված չափանիշների ներկայացման անհրաժեշտությամբ:

Դասընթացը ներառում է արդարադատություն իրականացնելիս և ոչ դատական գործունեության ընթացքում դատավորի վարքագծի կանոնների, դատավորների էթիկայի հարցերով վարույթի հետ կապված հարցերը, ինչպես նաև դատավորների գործունեության գնահատման և առաջխաղացման՝ նոր օրենսդրությամբ սահմանված չափանիշները:

Դասընթացը նախատեսված է բոլոր դատավորների համար:

² <<Փախստականների իրավունքների պաշտպանության արդի հարցերը>> դասընթացը նախատեսված է միայն վարչաիրավական և քրեաիրավական մասնագիտացմամբ դատավորների համար:

³ <<Անչափահասների իրավունքների պաշտպանությունը քրեական վարույթի ընթացքում>> դասընթացը նախատեսված է միայն քրեաիրավական մասնագիտացմամբ դատավորների համար:

3. J-J-014-18. Հանրային ծառայության ոլորտում կոռուպցիայի դեմ պայքարի արդի հարցեր

Դասընթացը պայմանավորված է հանրային ծառայության ոլորտում կոռուպցիայի դեմ պայքարի ոլորտում գիտելիքների ծավալի ընդլայնման անհրաժեշտությամբ:

Դասընթացը ներառում է Հայաստանի Հանրապետությունում հանրային ծառայության ոլորտում կոռուպցիոն երևույթների, դրա դեմ տարվող պայքարի ընդհանուր իրավիճակի, հակակոռուպցիոն պայքարի իրավական (ներպետական և միջազգային, այդ թվում՝ Եվրոպայի խորհրդի Կոռուպցիայի դեմ պայքարող պետությունների խմբի (ԳՐԵԿՈ) և ԵԽ Փողերի լվացման և ահաբեկչության ֆինանսավորման դեմ պայքարի հանձնաժողովի (ՄՈՆԻՎԱԼ) հանձնարարականները), և ինստիտուցիոնալ շրջանակների (ներպետական և միջազգային, այդ թվում՝ ԳՐԵԿՈ-ի և ՄՈՆԻՎԱԼ-ի գործունեությունը), համապատասխան այլ շահագրգիռ կողմերի (հասարակական կազմակերպությունների, ԶԼՄ-երի) մասնակցության և պետության կողմից ձեռնարկվող միջոցառումների վերաբերյալ հարցերը:

Դասընթացը նախատեսված է բոլոր դատավորների համար:

4. J-J-020-18. ՀՀ սահմանադրական իրավունքի գիտության և սահմանադրական արդարադատության արդի միտումները

Դասընթացն ուղղված է սահմանադրական արդարադատության զարգացման արդի միտումների վերաբերյալ գիտելիքների ծավալի ընդլայնմանը և գործնական հմտությունների կատարելագործմանը:

Դասընթացը ներառում է հետևյալ հարցերի քննարկման շրջանակը՝ Սահմանադրական դատարանը որպես ՀՀ-ում սահմանադրական արդարադատություն իրականացնող մարմին և վերջինիս փոխհարաբերությունները դատական իշխանության այլ մարմինների հետ, Սահմանադրական դատարանի առաքելությունը և լիազորությունները, Սահմանադրության պաշտոնական մեկնաբանության առանձնահատկությունները, վերացական և կոնկրետ վերահսկողության առանձնահատկությունները, Սահմանադրական դատարանի որոշումների տեղը ՀՀ իրավական համակարգում, իրավական դիրքորոշումները՝ որպես Սահմանադրական դատարանի որոշումների անքակտելի բաղկացուցիչ տարր, Սահմանադրական դատարանի որոշումների կատարումը՝ որպես սահմանադրականության ամրապնդման երաշխիք, նորմատիվ իրավական ակտերի՝ Սահմանադրությանը համապատասխանությունը որոշելու վերաբերյալ գործերի քննությունը դատարանների դիմումների հիման վրա, դատարանների կողմից դիմումների ներկայացման ընթացակարգը:

Դասընթացը նախատեսված է բոլոր դատավորների համար:

5. J-J-021-18. Իրավաբանական գիր և մեկնաբանում

Դասընթացը պայմանավորված է համոզիչ իրավական վերլուծությունների կատարման, իրավամեկնաբանողական հնարքների կիրառման ոլորտում կարողությունների և գործնական հմտությունների ձևավորման, կատարելագործման անհրաժեշտությամբ:

Դասընթացը ներառում է՝

- իրավավերլուծական ռազմավարությունների ընտրության հետ կապված գործնական հարցեր,

- օրենսդրական և նախադեպային տեքստերի հետ աշխատանքում իրավամեկնաբանողական հնարքների կիրառման հետ կապված գործնական հարցեր,
 - իրավական ակտերի մեկնաբանման տեխնիկան:
- Դասընթացը նախատեսված է բոլոր դատավորների համար:

6. J- J-029-18. Փաստարկում և հոետորաբանություն

Դասընթացը պայմանավորված է ապացուցման, հերքման, հիմնավորման, զրուցակիցների մոտ համոզմունքի ձևավորման, տպավորիչ ելույթի ու արդյունավետ բանավեճի տեխնոլոգիաների տիրապետման, դրանց ճիշտ կիրառման գործնական հմտությունների կատարելագործման անհրաժեշտությամբ:

Դասընթացը ներառում է՝

- փաստարկման գործընթացի բաղադրիչները,
- փաստարկման գործընթացի եղանակները,
- փաստարկման համակարգին ներկայացվող պահանջները,
- ավանդական և ժամանակակից հոետորիկայի զինանոցը,
- առավել հաճախ հանդիպող սխալները,
- բանավեճի ընթացքում կիրառվող կառուցողական և ապակառուցողական տեխնոլոգիաները և վերջիններիս չեզոքացման մեթոդաբանական սկզբունքները:

Դասընթացը նախատեսված է բոլոր դատավորների համար:

7. J-C-001-18. Պարտավորական հարաբերությունների արդի հիմնահարցեր

Դասընթացը պայմանավորված է պարտավորական իրավունքի նոր իրավական դիրքորոշումները ունենդիրներին մատուցելու, պարտավորական իրավահարաբերությունները կարգավորող իրավանորմերի կիրառման գործնական հմտությունների կատարելագործման անհրաժեշտությամբ:

Դասընթացը ներառում է պայմանագրային և քվազի-պայմանագրային (անհիմն հարստացման, առանց հանձնարարության, ի շահ ուրիշի գործողությունների) պարտավորությունների, արտապայմանագրային (դելիկտային), մասնավորապես, ոչ նյութական վնասի հատուցման, քաղաքացու կյանքին, առողջությանը պատճառված վնասը հատուցելու ինստիտուտի առանձնահատկությունների, ապահովագրական իրավահարաբերություններից բխող հիմնահարցերը, ինչպես նաև դրանց վերաբերյալ ՀՀ վճռաբեկ դատարանի իրավական դիրքորոշումները:

Դասընթացը նախատեսված է քաղաքացիական գործեր քննող դատավորների համար:

8. J-C-003-18. Կորպորատիվ իրավունքի արդի հարցեր

Դասընթացն անհրաժեշտ է կորպորատիվ իրավունքում առկա հիմնահարցերի վերաբերյալ գիտելիքների ծավալի ընդլայնման և դրանք կենսագործելու կարողությունների ու գործնական հմտությունների կատարելագործման համար:

Դասընթացը ներառում է կորպորատիվ կառավարման սկզբունքների, կորպորատիվ իրավունքի սուբյեկտների, դրանց ստեղծման, վերակազմակերպման, լուծարման, գործունեության կազմակերպման, մասնակիցների իրավունքների և պարտականությունների, արժեթղթերի թողարկման և տեղաբաշխման, կորպորատիվ վեճերի և այլ հարցերի հետ կապված իրավա-

հարաբերություններից բխող հիմնահարցերը, ինչպես նաև դրանց վերաբերյալ ՀՀ վճռաբեկ դատարանի իրավական դիրքորոշումները:

Դասընթացը նախատեսված է քաղաքացիական գործեր քննող դատավորների համար:

9. J-C-008. ՀՀ աշխատանքային իրավունքի արդի հարցեր

Դասընթացն անհրաժեշտ է աշխատանքային իրավունքի արդի հարցերի վերաբերյալ դատավորների գիտելիքներն ընդլայնելու, տեսական գիտելիքների գործնական կիրառման հմտությունները զարգացնելու, ինչպես նաև իրավական նոր դիրքորոշումները ունկնդիրներին մատուցելու համար:

Դասընթացը ներառում է աշխատանքային իրավահարաբերությունների ծագման, դադարման, աշխատանքային իրավահարաբերությունների կողմերի իրավունքների պաշտպանության, պատասխանատվության, աշխատանքային օրենսդրության պահպանման նկատմամբ հսկողության և վերահսկողության հարցերը, դրանց վերաբերյալ ՀՀ վճռաբեկ դատարանի իրավական դիրքորոշումները:

Դասընթացը նախատեսված է քաղաքացիական գործեր քննող դատավորների համար:

10. J-C-015-18. Քաղաքացիական գործերով ՄԻԵԴ իրավական դիրքորոշումների կիրառման արդի հարցեր

Դասընթացն անհրաժեշտ է ՄԻԵԴ իրավական նոր դիրքորոշումների վերաբերյալ ունկնդիրների գիտելիքները, դրանց կիրառման գործնական հմտությունները զարգացնելու, կատարելագործելու համար:

Դասընթացը ներառում է քաղաքացիական իրավունքի և դատավարության ոլորտում Եվրոպական կոնվեցիայով երաշխավորված իրավունքների պաշտպանության վերաբերյալ ՄԻԵԴ արդի նախադեպային իրավունքը և ՀՀ նկատմամբ դրա կիրառման հարցերը, ներառյալ Եվրոպական կոնվեցիայի 6-րդ հոդվածով երաշխավորված արդար դատաքննության իրավունքի պաշտպանության վերաբերյալ ՄԻԵԴ արդի նախադեպային իրավունքը և դրա կիրառման հարցերը, այդ թվում՝

- արդար դատաքննության իրավունքի իրավական բնույթը,
- դատարանի իրավունքը,
- օրենքի հիման վրա ստեղծված անկախ տրիբունալի էությունը,
- անկողմնակալ տրիբունալի էությունը,
- ՄԻԵԿ 6-րդ հոդվածի վարույթային տարրերը՝ արդարացի լսումները, մրցակցության սկզբունքը, «Զենքերի» հավասարությունը, հրապարակային քննության, ողջամիտ ժամկետի սկզբունքը:

Դասընթացը մասնավորապես ներառում է վերոհիշյալ հիմնահարցերի վերաբերյալ վերջին տարիների ՄԻԵԴ իրավական դիրքորոշումները:

Դասընթացը նախատեսված է քաղաքացիական գործեր քննող դատավորների համար:

11. J-C-022-18. ՀՀ քաղաքացիական դատավարության արդի հիմնահարցեր

Դասընթացն անհրաժեշտ է քաղաքացիական դատավարության տարբեր փուլերում ծագող հարցերի վերաբերյալ ունկնդիրների գիտելիքները և դրանց կիրառման գործնական հմտությունները կատարելագործելու համար:

Դասընթացը ներառում է՝

- քաղաքացիական գործը դատաքննության նախապատրաստելու հիմնահարցերը,

- ապացուցման հիմնահարցերը,
 - դատաքննության հիմնահարցերը,
 - պետական տուրքի և դատական ծախսերի հաշվարկման ու գանձման առանձնահատկությունները,
 - դատական հանձնարարությունների կատարման արդի հարցերը,
 - քաղաքացիական դատավարությունում իրավաբանական նշանակություն ունեցող փաստերի շրջանակը,
 - <<<< քաղաքացիական դատավարության օրենսգրքում փոփոխություններ և լրացումներ կատարելու մասին>> << օրենքի նախագծի նոր իրավակարգավորումները:
- Դասընթացը նախատեսված է քաղաքացիական գործեր քննող դատավորների համար:

12. J-C-023-18. Ոչ նյութական վնասի հատուցման հիմնախնդիրներ

Դասընթացն անհրաժեշտ է ոչ նյութական վնասի հատուցման նոր իրավական դիրքորոշումները ունկնդիրներին մատուցելու՝ պատվին, արժանապատվությանը կամ գործարար համբավին պատճառված վնասի, ինչպես նաև ոլորտում առկա կոնվենցիոնալ մեխանիզմներն առավել համակողմանի ուսումնասիրելու, Կոնվենցիայով երաշխավորված իրավունքների խախտման և անարդարացի դատապարտման հետևանքով պատճառված ոչ նյութական վնասի հատուցման կարգին և պայմաններին վերաբերող հարցերի, քաղաքացու կյանքին, առողջությանը պատճառված վնասը հատուցելու ինստիտուտի առանձնահատկությունների վերաբերյալ համակողմանի քննարկումներ իրականացնելու, անհրաժեշտ գիտելիքների և պրակտիկ փորձի համադրմամբ՝ ունկնդիրների գործնական հմտությունները կատարելագործելու համար:

Դասընթացը ներառում է պատվին, արժանապատվությանը կամ գործարար համբավին պատճառված վնասի, ինչպես նաև կոնվենցիոն իրավունքների խախտման և անարդարացի դատապարտման հետևանքով պատճառված ոչ նյութական վնասի հատուցման կարգին և պայմաններին վերաբերող հարցերը:

Դասընթացը նախատեսված է քաղաքացիական գործեր քննող դատավորների համար:

13. J-C-025-18. Սնանկության վարույթի արդի հարցեր

Դասընթացը պայմանավորված է սնանկության վարույթի ընթացքում ծագող իրավական հարցերի վերաբերյալ ունկնդիրների գիտելիքները և գործնական հմտությունները կատարելագործելու անհրաժեշտությամբ:

Դասընթացը ներառում է՝

- սնանկության գործերի քննության կարգը, առանձնահատկությունները, նիստերի վարման գործնական հմտությունները,
- սնանկ ճանաչելու հարցի լուծման հիմնախնդիրները,
- սնանկության վարույթի ընթացքում կայացվող դատական ակտերի, մորատորիումի, համարժեք պաշտպանության հիմնահարցերը,
- սնանկ ճանաչված անձի և պարտատերերի իրավունքների պաշտպանության հետ կապված հարցերը (այդ թվում՝ պարտապանի անունից սնանկության կառավարչի կողմից հայց հարուցելու ինստիտուտի առանձնահատկությունները), ինչպես նաև դրանց վերաբերյալ << վճռաբեկ դատարանի իրավական դիրքորոշումները:

Դասընթացը նախատեսված է քաղաքացիական գործեր քննող դատավորների համար:

14. J-C-028-18. << վճռաբեկ դատարանի իրավական դիրքորոշումները քաղաքացիական գործերով

Դասընթացն անդրադառնում է քաղաքացիական իրավունքի և դատավարության ոլորտում ՀՀ վճարել դատարանի կողմից կայացված նախադեպային որոշումների քննարկմանն ու ներկայացմանը:

Դասընթացի շրջանակներում նախատեսվում է ուսումնասիրության առարկա դարձնել Վճարել դատարանի 2017-2018 թվականների նախադեպային որոշումները:

Դասընթացը նախատեսված է քաղաքացիական գործեր քննող դատավորների համար:

15. J-C-029-18. ՀՀ քաղաքացիական իրավունքի արդի հիմնահարցեր

Դասընթացի շրջանակներում նախատեսվում է ուսումնասիրության առարկա դարձնել քաղաքացիական իրավունքի առավել արդիական հիմնախնդիրները, որոնք կարող են պայմանավորված լինել ինչպես նոր իրավական ինստիտուտների պրակտիկ կիրառման ընթացքում ի հայտ եկող խնդրահարույց հարցերի, այնպես էլ՝ իրավական կարգավորման ձևաչափում որոշակիություն ունեցող ինստիտուտների ուսումնասիրության, իրավական նորմերի՝ գործնականում կիրառման հետ:

Դասընթացի շրջանակներում նախատեսվում է ուսումնասիրել՝

- քաղաքացիական իրավահարաբերությունների ծագման և դադարման հիմնահարցերը,
- քաղաքացիական իրավահարաբերությունների կողմերի իրավունքների պաշտպանության և պատասխանատվության հիմնահարցերը,
- հայցային վաղեմության ինստիտուտի կիրառման առանձնահատկությունները քաղաքացիական հարաբերություններում,
- սեփականության և այլ գույքային իրավունքների առավել արդիական հիմնախնդիրները,
- գույքի առանձին տեսակների ժառանգման առանձնահատկությունները:

Դասընթացը նախատեսված է քաղաքացիական գործեր քննող դատավորների համար:

16. J-C-031-18. Իրավական օգնության և առևտրային արբիտրաժների ակտերի ճանաչման ու կատարման վերաբերյալ միջազգային համաձայնագրերի կիրառման հիմնախնդիրներ

Դասընթացը պայմանավորված է միջազգային փոխօգնության արդի հարցերի վերաբերյալ գիտելիքների ծավալի ընդլայնմանն ու դրանց գործնական կիրառման հմտությունների կատարելագործման անհրաժեշտությամբ:

Դասընթացը ներառում է ՀՀ օրենսդրությամբ, այդ թվում՝ միջազգային պայմանագրերով նախատեսված միջազգային փոխօգնության տեսակների, եղանակների, սուբյեկտների, պայմանների, օտարերկրյա դատարանների ու առևտրային արբիտրաժների ակտերի ճանաչման ու կատարման վերաբերյալ իրավակիրառ պրակտիկայում առկա խնդիրները:

Դասընթացը նախատեսված է քաղաքացիական գործեր քննող դատավորների համար:

17. J-C-032-18. Հատուկ վարույթի գործերով քննության առանձնահատկությունները

Դասընթացն անհրաժեշտ է հատուկ վարույթների առանձին տեսակների առանձնահատկությունների վերաբերյալ ունկնդիրների գիտելիքներն ընդլայնելու, դրանց կիրառման հմտությունները կատարելագործելու, ինչպես նաև իրավական նոր դիրքորոշումները ունկնդիրներին մատուցելու համար:

Դասընթացը ներառում է հատուկ վարույթների առանձին տեսակների, այդ թվում, երեխայի որդեգրման, քաղաքացուն հոգեբուժական հիվանդանոցային հարկադիր բուժման ենթարկելու, իրավաբանական նշանակություն ունեցող փաստերի հաստատման, հարկադիր կատարողի դիմումով կողմերի հաշտության համաձայնության հիման վրա դատարանի՝ գործն ըստ էության

լուծող դատական ակտի վերանայման գործերով վարույթների առանձնահատկություններն ու դրանց վերաբերյալ ՀՀ վճռաբեկ դատարանի իրավական դիրքորոշումները:

Դասընթացը նախատեսված է քաղաքացիական գործեր քննող դատավորների համար:

18. J-C-033-18. Հաշտարարության ինստիտուտի հիմնախնդիրները

Դասընթացն անհրաժեշտ է հաշտարարության ինստիտուտի ոլորտում առկա հիմնահարցերի վերաբերյալ գիտելիքների ծավալի ընդլայնման և դրանք կենսագործելու կարողությունների ու գործնական հմտությունների կատարելագործման համար:

Դասընթացը ներառում է՝

- հաշտարարության ինստիտուտի ընդհանուր բնութագիրը,
- հաշտարարության վերաբերյալ համաձայնությունն ու հայցի հարուցումը դատարան,
- հաշտարարություն և հաշտարարի նշանակումը, հաշտարարության հետ կապված ծախսերը,
- հաշտարարության շրջանակը, ժամկետները և ավարտը,
- արտադատարանական կարգով կնքված հաշտության համաձայնության հաստատումը, և այլ հիմնահարցեր:

Դասընթացը նախատեսված է քաղաքացիական գործեր քննող դատավորների համար:

19. J-A-001-18. Վարչական գործերով ՄԻԵԴ իրավական դիրքորոշումների կիրառման արդի հարցեր

Դասընթացն անհրաժեշտ է ՄԻԵԴ իրավական նոր դիրքորոշումների վերաբերյալ ունկնդիրների գիտելիքները, դրանց կիրառման գործնական հմտությունները զարգացնելու, կատարելագործելու համար:

Դասընթացը ներառում է վարչական իրավունքի և դատավարության ոլորտում Եվրոպական կոնվենցիայով երաշխավորված իրավունքների պաշտպանության վերաբերյալ ՄԻԵԴ արդի նախադեպային իրավունքը և ՀՀ նկատմամբ դրա կիրառման հարցերը, ներառյալ Եվրոպական կոնվենցիայի 6-րդ հոդվածով երաշխավորված արդար դատաքննության իրավունքի պաշտպանության վերաբերյալ ՄԻԵԴ արդի նախադեպային իրավունքը և դրա կիրառման հարցերը, այդ թվում՝ արդար դատաքննության իրավունքի իրավական բնույթը, օրենքի հիման վրա ստեղծված անկախ տրիբունալի էությունը, ՄԻԵԿ 6-րդ հոդվածի վարույթային տարրերը՝ արդարացի լուսմները, մրցակցության սկզբունքը, «Զենքերի» հավասարությունը, հրապարակային քննության, ողջամիտ ժամկետի սկզբունքը:

Դասընթացը մասնավորապես ներառում է վերոհիշյալ հիմնահարցերի վերաբերյալ վերջին տարիների ՄԻԵԴ իրավական դիրքորոշումները:

Դասընթացը նախատեսված է վարչական գործեր քննող դատավորների համար:

20. J-A-003-18. ՀՀ վարչական վարույթի արդի հարցեր

Դասընթացն անհրաժեշտ է վարչական վարույթում առկա արդի հարցերի վերաբերյալ ունկնդիրների գիտելիքները և հմտությունները կատարելագործելու, ինչպես նաև տեսական գիտելիքների գործնական կիրառման հմտությունները զարգացնելու համար:

Դասընթացը ներառում է՝

- վարչական ակտի պարտադիր հատկանիշները,
- վարչական վարույթի մասնակիցների իրավունքների պաշտպանության հիմնահարցերը,
- վարչական ակտերի դատական բողոքարկման, դատարանի կողմից դրանց իրավաչափության գնահատման հիմնահարցերը,

- վարչական վարույթի և հատուկ նորմերի հարաբերակցության հարցերը,
 - գույքի նկատմամբ իրավունքների պետական գրանցման վարույթի արդի հարցերը,
 - տնտեսական մրցակցության պաշտպանության ոլորտի արդի հարցերը:
- Դասընթացը նախատեսված է վարչական գործեր քննող դատավորների համար:

21. J-A-006-18. ՀՀ ԱՆ ԴԱՀԿ ծառայության որոշումների և գործողությունների վիճարկումը, կատարողական վարույթի առանձնահատկությունները

Դասընթացն անհրաժեշտ է դատական ակտերի հարկադիր կատարման վարույթում առկա հարցերի վերաբերյալ դատավորների գիտելիքներն ընդլայնելու, դրանց կիրառման գործնական հմտությունները կատարելագործելու, ինչպես նաև իրավական նոր դիրքորոշումները ունենդիրներին մատուցելու համար:

Դասընթացը ներառում է՝

- կատարողական վարույթին մասնակցող անձանց իրավունքների պաշտպանության հիմնահարցերը,
- կատարողական գործողությունների ընթացքում հարկադիր կատարողի կայացրած որոշումների դատական բողոքարկման հիմնահարցերը,
- դատարանի կողմից դրանց իրավաչափության գնահատման հիմնահարցերը,
- դատական ակտերի հարկադիր կատարումն ապահովող ծառայության որոշումների և գործողությունների վիճարկման ընթացակարգային հարցերի քննարկումը,
- հարկադիր կատարողի դիմումով կողմերի հաշտության համաձայնության հիման վրա դատարանի՝ գործն ըստ էության լուծող դատական ակտի վերանայման վարույթը,
- կատարողական վարույթի ընթացքում վերջինիս վերաբերող դիմումների քննարկման վարույթի աճանձնահատկությունները:

Դասընթացը նախատեսված է վարչական գործեր քննող դատավորների համար:

22. J-A-008-18. ՀՀ վարչական դատավարության արդի հարցեր

Դասընթացն անհրաժեշտ է վարչական դատավարության տարբեր փուլերում ծագող հարցերի վերաբերյալ դատավորների գիտելիքները և հմտությունները կատարելագործելու, ինչպես նաև տեսական գիտելիքների գործնական կիրառման հմտությունները զարգացնելու համար:

Դասընթացը ներառում է՝

- գործը դատաքննության նախապատրաստելու ընթացքում ծագող հարցերը,
- դատաքննության հիմնահարցերը,
- ապացուցման հիմնահարցերը,
- հայցի ապահովման հիմնահարցերը,
- վերաքննիչ և վճռաբեկ վարույթների հիմնահարցերը և այլն:

Դասընթացը նախատեսված է վարչական գործեր քննող դատավորների համար:

23. J-A-010-18. ՀՀ էկոլոգիական իրավունքի արդի հարցեր

Դասընթացը պայմանավորված է ՀՀ էկոլոգիական իրավունքի ոլորտում գիտելիքների ծավալի ընդլայնման անհրաժեշտությամբ:

Դասընթացը ներառում է՝

- էկոլոգիական իրավունքի կոնցեպցիան,
- ՀՀ էկոլոգիական օրենսդրության և հիմնական ինստիտուտների էությունը և առանձնահատկությունները,
- այլ ինստիտուտների հետ հարաբերակցությունը և զարգացման արդի միտումները,

- մարդու էկոլոգիական իրավունքների պաշտպանության ազգային և միջազգային կառուցակարգերի գործարկման վերաբերյալ հարցերը:

Դասընթացը նախատեսված է վարչական գործեր քննող դատավորների համար:

24. J-A-013-18. ՀՀ վճռաբեկ դատարանի իրավական դիրքորոշումները վարչական գործերով

Դասընթացն անդրադառնում է վարչական իրավունքի և դատավարության ոլորտում ՀՀ վճռաբեկ դատարանի որոշումներով արտահայտած դիրքորոշումների քննարկմանն ու ներկայացմանը:

Դասընթացի շրջանակներում նախատեսվում է ուսումնասիրության առարկա դարձնել Վճռաբեկ դատարանի 2017-2018 թվականների նախադեպային որոշումները:

Դասընթացը նախատեսված է վարչական գործեր քննող դատավորների համար:

25. J-A-014-18. Վարչական իրավախախտումների վերաբերյալ օրենսդրության հիմնահարցեր

Դասընթացն անհրաժեշտ է վարչական իրավախախտումների վերաբերյալ օրենսդրության ոլորտում դատավորների գիտելիքները և հմտությունները կատարելագործելու, ունկնդիրների տեսական գիտելիքների գործնական կիրառման հմտությունները զարգացնելու համար:

Դասընթացը ներառում է՝

- վարչական իրավախախտումը և պատասխանատվությունն այն կատարելու համար,
- վարչական տույժ նշանակելը և տույժի տեսակները,
- վարչական իրավախախտումների վերաբերյալ գործերի քննությունը և վարույթի խնդիրները,

- վարչական տույժեր նշանակելու մասին որոշումների կատարումը:

Դասընթացը նախատեսված է վարչական գործեր քննող դատավորների համար:

26. J-A-015-18. Ընտրական վեճերի արդի հարցեր

Դասընթացն անհրաժեշտ է ընտրական նոր համակարգերի շրջանակներում անհրաժեշտ գիտելիքների և կարողությունների զարգացման և կատարելագործման, վերջիններիս կիրառման գործնական հմտությունները զարգացնելու համար: Դասընթացի շրջանակներում նախատեսվում է ներկայացնել և քննարկել՝

- ընտրական նոր օրենսգրքով ընտրական համակարգերին և գործընթացներին վերաբերող ժամանակակից միտումները,

- քննարկման առարկա դարձնել ընտրական վեճերի քննության ընթացակարգերը:

Դասընթացը նախատեսված է վարչական գործեր քննող դատավորների համար:

27. J-A-016-18. Հատուկ վարույթի գործերով քննության առանձնահատկությունները

Դասընթացն անհրաժեշտ է հատուկ վարույթների առանձին տեսակների առանձնահատկությունների վերաբերյալ դատավորների գիտելիքներն ընդլայնելու, դրանց կիրառման գործնական հմտությունները կատարելագործելու, ինչպես նաև իրավական նոր դիրքորոշումները ունկնդիրներին մատուցելու համար:

Դասընթացը ներառում է հատուկ վարույթների առանձին տեսակների, այդ թվում, հավաքի անցկացման մասին համայնքի ղեկավարի որոշումների եվ գործողությունների իրավաչափությունը վիճարկելու, անբողոքարկելի վարչական ակտի հիման վրա հանրային իրավական դրամական պահանջներով գումարի բռնագանձման վերաբերյալ, անձնական տվյալների

պաշտպանության, լիցենզիայի հետ կապված լիազոր մարմնի որոշումների իրավաչափությունը վիճարկելու գործերով վարույթների առանձնահատկություններն ու դրանց վերաբերյալ ՀՀ վճռաբեկ դատարանի իրավական դիրքորոշումները:

Դասընթացը նախատեսված է վարչական գործեր քննող դատավորների համար:

28. J-Q-001-18. Քրեական գործերով ՄԻԵԴ իրավական դիրքորոշումների կիրառման արդի հարցեր

Դասընթացն անհրաժեշտ է ՄԻԵԴ իրավական նոր դիրքորոշումների վերաբերյալ ունկնդիրների գիտելիքները, դրանց կիրառման գործնական հմտությունները զարգացնելու, կատարելագործելու համար:

Դասընթացը ներառում է քրեական իրավունքի և դատավարության ոլորտում Եվրոպական կոնվենցիայով երաշխավորված իրավունքների պաշտպանության վերաբերյալ ՄԻԵԴ արդի նախադեպային իրավունքը և ՀՀ նկատմամբ դրա կիրառման հարցերը, այդ թվում՝

- խոսքի ազատության և ազգային անվտանգության ապահովման հիմնախնդիրները,
- անձի ազատության և անձեռնմխելիության իրավունքը,
- մասնավոր կյանքի անձեռնմխելիության իրավունքը,
- արդար դատաքննության իրավունքների պաշտպանության, անթույլատրելի ապացույցների օգտագործման արգելքը:

Դասընթացը մասնավորապես ներառում է վերոհիշյալ հիմնահարցերի վերաբերյալ վերջին տարիների ՄԻԵԴ իրավական դիրքորոշումները:

Դասընթացը նախատեսված է քրեական գործեր քննող դատավորների համար:

29. J-Q-022-18. ՀՀ քրեական դատավարության արդի հարցեր

Դասընթացն անհրաժեշտ է քրեական դատավարության ոլորտում նոր իրավական զարգացումները, վիճահարույց հարցերի շուրջ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները մատուցելու, ինչպես նաև դրանք գործնականում կիրառելու կարողություններն ու հմտությունները կատարելագործելու համար:

Դասընթացը ներառում է՝

- ՀՀ քրեական դատավարության ոլորտում նոր օրենսդրությունը,
- ՀՀ քրեական դատավարության առանձին ինստիտուտների վերաբերյալ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները և դրանց կիրառման հիմնահարցերը,

• ՀՀ մասնակցությամբ միջազգային պայմանագրերի կիրառման գործնական հարցերը, այդ թվում՝ Միավորված ազգերի կազմակերպության, Մարդու իրավունքների վերաբերյալ հիմնական պայմանագրերի կիրառման առանձնահատկությունները և այլն:

Դասընթացը նախատեսված է քրեական գործեր քննող դատավորների համար:

30. J-Q-024-18. Պատժի նշանակման կանոնների քրեաիրավական և քրեադատավարական խնդիրներ

Դասընթացը պայմանավորված է պատժողական քաղաքականության հիմնահարցերի վերաբերյալ գիտելիքների ծավալի ընդլայնման և գործնական հմտությունների ձևավորման անհրաժեշտությամբ: Դասընթացը ներառում է ՀՀ քրեական օրենսդրությամբ նախատեսված պատժի տեսակների և նշանակման հիմնահարցերի, այդ թվում՝ պատժի նշանակման հարցում քրեադատավարական նորմերի ազդեցության (պատժատեսակի, պատժաչափի, պատժից

ազատելու, պայմանականորեն այն չկիրառելու, հետաձգելու, մեղմ կամ խիստ պատիժ նշանակելու չափորոշիչների) վերաբերյալ հիմնահարցերը:

Դասընթացը նախատեսված է քրեական գործեր քննող դատավորների համար:

31. J-Q-032-18. Մինչդատական վարույթի նկատմամբ դատական վերահսկողության արդի հարցեր

Դասընթացն անհրաժեշտ է մինչդատական վարույթի նկատմամբ դատական վերահսկողության ոլորտին վերաբերող իրավակարգավորումների վերաբերյալ՝ դատավորների գիտելիքների ծավալի ընդլայնման և դրանք կենսագործելու կարողությունների ու գործնական հմտությունների կատարելագործման համար:

Դասընթացը ներառում է՝

- խափանման միջոց կալանքի կիրառման և ժամկետի երկարացման պայմանները և հիմքերը,

- կալանավորման հարցի դատական քննության գործնական հարցերը,

- քննչական գործողությունների կատարման նկատմամբ դատական վերահսկողության գործնական հարցերը,

- մինչդատական վարույթի նկատմամբ դատական վերահսկողության ընթացակարգային և այլ պրակտիկ հիմնախնդիրները:

Դասընթացը նախատեսված է քրեական գործերով մինչդատական վարույթի նկատմամբ դատական վերահսկողություն իրականացնող դատավորների համար:

32. J-Q-035-18. ՀՀ քրեական իրավունքի արդի հարցեր

Դասընթացը պայմանավորված է քրեական իրավունքի ոլորտում նոր իրավական զարգացումներով, վիճահարույց հարցերի շուրջ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները մատուցելու, ինչպես նաև դրանք գործնականում կիրառելու կարողություններն ու հմտությունները կատարելագործելու անհրաժեշտությամբ:

Դասընթացը ներառում է՝

- քրեական նոր օրենսգրքի նախագծով նախատեսված, ինչպես նաև ընթացիկ փուլում առաջացող այլ հիմնախնդիրների լուծման ոլորտում օրենսդրական և իրավակիրառ փորձի ներկայացումը, դրանց զարգացման միտումները և հեռանկարները,

- ՀՀ ստանձնած միջազգային պարտավորությունների բովանդակությունը, այդ թվում՝ Միավորված ազգերի կազմակերպության Մարդու իրավունքների վերաբերյալ հիմնական պայմանագրերը, դրանց կիրառման առանձնահատկությունները, ինչպես նաև «Քաղաքական և քաղաքացիական իրավունքների մասին» միջազգային դաշնագրում ամրագրված իրավունքները և դրանց ներպետական օրենսդրությունում կիրառելիության և Կամընտիր արձանագրությամբ հասանելի դարձած ընթացակարգերի վերաբերյալ հարցերը,

- ՀՀ քրեական իրավունքի առանձին ինստիտուտների վերաբերյալ ՀՀ սահմանադրական դատարանի և ՀՀ վճռաբեկ դատարանի իրավական դիրքորոշումները և դրանց կիրառման հիմնահարցերը,

- հանցավոր արարքների ճշգրիտ որակման հիմնահարցերը, այդ թվում՝ թրաֆիքինգի կամ շահագործման որակումը, թրաֆիքինգի կամ շահագործման վերհանման հիմնախնդիրները, աշխատանքային թրաֆիքինգը և սեռական շահագործումը, ընտանեկան բռնությունները, աշխատանքային հարաբերությունները, սոցիալական ծանր վիճակում գտնվող ընտանիքները, մարմնավաճառությամբ զբաղվող անձինք, այդ թվում՝ երեխաները, մուրացկան երեխաները,

հատուկ հաստատություններում սովորող երեխաները, և դրանց լուծման ոլորտում օրենսդրական նորմերը և իրավակիրառ փորձը:

Դասընթացը նախատեսված է քրեական գործեր քննող դատավորների համար:

33. J-Q-044-18. ՀՀ վճռաբեկ դատարանի իրավական դիրքորոշումները քրեական գործերով

Դասընթացն անդրադառնում է քրեական իրավունքի և դատավարության ոլորտում ՀՀ վճռաբեկ դատարանի կողմից կայացված որոշումներով արտահայտած իրավական դիրքորոշումների քննարկմանն ու ներկայացմանը:

Դասընթացի շրջանակներում նախատեսվում է ուսումնասիրության առարկա դարձնել Վճռաբեկ դատարանի 2017-2018 թվականների որոշումները:

Դասընթացը նախատեսված է քրեական գործեր քննող դատավորների համար:

34. JC-Q-045-18. Խոցելի անձանց մասնակցությամբ վարույթի առանձնահատկությունները

Դասընթացը պայմանավորված է անչափահասների և այլ խոցելի անձանց մասնակցությամբ վարույթի առանձնահատկությունների վերաբերյալ գիտելիքների ծավալի ընդլայնման և կարողությունների ձևավորման, տեսական գիտելիքների գործնական կիրառման հմտությունների զարգացման անհրաժեշտությամբ:

Դասընթացը ներառում է խոցելի անձանց նկատմամբ (կասկածյալ, մեղադրյալ) և նրանց մասնակցությամբ (վկա, տուժող) իրականացվող մինչդատական և դատական վարույթների անցկացման առանձնահատկությունների վերաբերյալ հիմնահարցերը:

Դասընթացը նախատեսված է քրեական գործեր քննող դատավորների համար:

35. J-Q-053-18. Պատժի կատարման փուլի նկատմամբ դատական վերահսկողության առանձնահատկությունները

Դասընթացը պայմանավորված է պրոբացիոն ծառայության ոլորտում իրականացված և իրականացվող բարեփոխումները, պատժի կատարման նկատմամբ դատական վերահսկողության նոր իրավական դիրքորոշումները ունկնդիրներին մատուցելու և դրանց կիրառման հմտությունները կատարելագործելու, վերջիններիս գործնական կիրառման հմտությունների զարգացման անհրաժեշտությամբ:

Դասընթացը ներառում է պատժի կատարման ընթացքում ՀՀ քրեակատարողական օրենսգրքի կիրառման, ինչպես նաև պրոբացիոն ծառայության և դրա նկատմամբ դատական վերահսկողության արդի հիմնախնդիրները:

36. J-Q-054-18. Իրավական օգնության վերաբերյալ միջազգային համաձայնագրերի կիրառման հիմնախնդիրները քրեական գործերով

Դասընթացը պայմանավորված է քրեական գործերով միջազգային փոխօգնության արդի հարցերի վերաբերյալ գիտելիքների ծավալի ընդլայնմանն ու դրանց գործնական կիրառման հմտությունների կատարելագործման անհրաժեշտությամբ:

Դասընթացը ներառում է ՀՀ օրենսդրությամբ, այդ թվում՝ միջազգային պայմանագրերով նախատեսված միջազգային փոխօգնության տեսակների, եղանակների, սուբյեկտների, պայմանների վերաբերյալ իրավակիրառ պրակտիկայում առկա խնդիրները:

Դասընթացը նախատեսված է քրեական գործեր քննող դատավորների համար:

37. J-G-017-18. Փաստարկում և հռետորաբանություն

Դասընթացի նկարագիրը տես 6-րդ կետի ներքո:

38. J-G-021-18. Կառավարման հմտություններ և ներազդման հոգեբանություն

Դասընթացն անհրաժեշտ է կառավարման և առաջնորդության, ինչպես նաև հոգեբանական ազդեցության, դրա տեսակների, մեթոդների, մեխանիզմների և տարաբնույթ դրսևորումների վերաբերյալ գիտելիքների ծավալի ընդլայնման և դրանք կենսագործելու կարողությունների ու հմտությունների զարգացման համար:

Դասընթացը ներառում է՝

- կառավարչական հմտություններն ու առաջնորդման ոճերը,
- արդյունավետ պլանավորումը,
- թիմի ձևավորումը և թիմային աշխատանքի կազմակերպումը,
- ներազդման հոգեբանության հիմնական հասկացությունները, ներազդման տեսակները, մեթոդներն ու մեխանիզմները,
- կառուցողական (համոզում, ներշնչում և այլն) և ոչ կառուցողական (մանիպուլյացիա և այլն) ներազդման մեթոդների առանձնահատկությունները,
- կառուցողական և ոչ կառուցողական ներազդմանը դիմակայելու եղանակները:

Դասընթացը նախատեսված է բոլոր դատավորների համար:

39. J-J-027-18. Փախստականների իրավունքների պաշտպանության արդի հարցեր

Դասընթացը պայմանավորված է «Փախստականների մասին» ՄԱԿ-ի կոնվենցիայի կիրառման, փախստականի կարգավիճակ և ապաստան հայցող անձանց, փախստականների իրավունքների պաշտպանության ոլորտում գիտելիքների ծավալի ու դրանց կիրառման գործնական հմտությունների ընդլայնման անհրաժեշտությամբ:

Դասընթացը ներառում է՝

- «Փախստականների մասին» ՄԱԿ-ի կոնվենցիայով և այլ միջազգային փաստաթղթերով նախատեսված փախստականների կարգավիճակի վերաբերյալ նորմերի՝ ՀՀ օրենսդրությունում իմպլեմենտացիայի («Փախստականների և ապաստանի մասին», «Օտարերկրացիների մասին», «Քաղաքացիության մասին» ՀՀ օրենքներում և այլ իրավական ակտերում) և գործնականում դրանց կիրառման հիմնախնդիրները,
- փախստականների և ապաստան հայցողների իրավունքների պաշտպանության ինստիտուցիոնալ շրջանակների (ՀՀ ոստիկանության ծառայության, ՀՀ ազգային անվտանգության ծառայության, ՀՀ ՏԿԶՆ միգրացիոն պետական ծառայության, ՄԱԿ-ի փախստականների գործերով հանձնակատարի գրասենյակի գործունեության), ինչպես նաև այլ շահագրգիռ կողմերի (հասարակական կազմակերպությունների, ԶԼՄ-երի) մասնակցության և պետության կողմից ձեռնարկվող միջոցառումների վերաբերյալ գործնականում հանդիպող խնդիրները:

Դասընթացը նախատեսված է վարչաիրավական և քրեաիրավական մասնագիտացմամբ դատավորների համար:

40. J-J-028-18. Անչափահասների իրավունքների պաշտպանությունը քրեական վարույթի ընթացքում

Դասընթացը պայմանավորված է անչափահասների մասնակցությամբ վարույթի առանձնահատկությունների վերաբերյալ քրեաիրավական մասնագիտացում ունեցող դատավորների գիտելիքների ծավալի ընդլայնման և գործնական հմտությունների ձևավորման անհրաժեշտությամբ:

Այն ներառում է միջազգայնորեն ճանաչված՝ անչափասի լավագույն շահի սկզբունքի բովանդակության բացահայտումը և դրանով պայմանավորված՝

- միջազգային պայմանագրերի, ներպետական օրենսդրության և ՀՀ վճռաբեկ դատարանի դիրքորոշումներն ու պրակտիկայում կիրառման առանձնահատկությունները,

- անչափահասների նկատմամբ քրեաիրավական և քրեադատավարական առանձին ինստիտուտների կիրառման և նրանց մասնակցությամբ քրեական վարույթի առանձնահատկությունները: Մասնավորապես կներկայացվեն՝ անչափահաս կասկածյալների, մեղադրյալների նկատմամբ խափանման միջոցների կիրառման, այդ թվում՝ ազատությունից զրկելու հետ կապված, նրանց պաշտպանության, հակընդդեմ հարցման իրավունքի, ինչպես նաև Մարդու իրավունքների Եվրոպական կոնվենցիայով և ՀՀ քր. դատ. օրենսգրքով երաշխավորված այլ իրավունքների ապահովման և իրականացման հիմնահարցերը,

- անչափահասների նկատմամբ իրականացվող պատժողական քաղաքականության, այդ թվում՝ պատիժների կատարման հիմնահարցերը: Մասնավորապես կներկայացվեն՝ անչափահասների նկատմամբ նշանակվող պատիժների համակարգի, պատիժների նշանակման և կատարման առանձնահատկությունները, այդ թվում՝ պրոբացիայի ինստիտուտի ներդրման պայմաններում,

- անչափահաս տուժողների և վկաների մասնակցությամբ քրեական վարույթների առանձնահատկությունները և այլ հարցեր, մասնավորապես՝ անչափահաս տուժողների և վկաների պաշտպանությունը՝ միջազգային պայմանագրերի և ՀՀ օրենսդրության համաձայն, սոցիալական աշխատողների և այլ մասնագետների դերակատարությունը՝ իրավախախտում կատարած, հանցագործությունից տուժած կամ հանցագործության վկա անչափահասների վերականգնման գործում:

Այն նախատեսված է քրեաիրավական մասնագիտացմամբ դատավորների համար: